



KOMUNIKADO PA PRENSA

Fecha

3 di februari 2017

Kolaboradó di Maneho

Jhanirha Anita

Email

jhanirha.anita@gobiernu.cw

E kondishon di avionnan di Insel Air # 3

Gobièrnu Hulandes a aseptá invitashon pa su ekspertonan bin hasi investigashon di seguridat di Insel Air

Willemstad - Sekretario di Estado di Ministerio di Infrastruktura i Medio Ambiente (I&M) di Hulanda, sra. Sharon Dijksma, a aseptá e invitashon pa laga su ekspertonan di Inspectie Leefomgeving en Transport (ILT) bin Kòrsou i kombensé nan mes di seguridat di Insel Air su kompanianan na Kòrsou i tambe na Aruba.

E desishon aki a kai despues ku Minister Camelia-Romer di Ministerio di Tráfiko, Transporte i Planifikashon Urbano (VVRP) a ofresé Gobièrnu Hulandes pa nan ekspertonan bin Kòrsou i hasi un investigashon di e situashon di e kompania di aviashon. Esaki ta den kuadro di e desishon ku Gobièrnu Hulandes a tuma pa no laga su ámtenarnan bula ku buelonan di Insel Air.

Outoridat di Aviashon Sivil di Kòrsou (CCAA) lo duna ILT tur koperashon nesesario durante di nan investigashon. Tur esaki pa garantisá Gobièrnu Hulandes ku ta seif pa bula ku avionnan di Insel Air.